



53194


I

Mag. St. Dr.

P

Carmin. Disc. Phil. stud. in Convento S. Micha-  
elis et Joseph Cracoviae: Ens mobile  
ad mentem angelicam et Eulerianam Docto-  
ris D. Thomae ex VIII libris Physicor. deces-  
ptum.







ENS MOBILE  
Ad mentem Angelici & Ec-  
clesiæ Doctoris D. THOMÆ  
Aquinas  
Ex octo Libris Physicorum  
decerptum.

A

FF. CARMELITIS DISCAL: PHILOSOPH  
Studijs in Conuentu SS. Michælis & Ioseph  
Cracouiæ Publico certamini  
EXPOSITVM.

Anno Sanctissimi Iubilæi 1650. Mense  
Iunij Die 26 hora 2 post Meri.

CRACOVIA,  
In Officina Valeriani Pigtkowski.





*In Stemma Illustris: Domus Gembiciana.*



53194 **C**andida sphaericos imitatur FASCIA gyros;  
 Insignes calo copulat ORBE Viros;  
 An quia iustitiae praecingit lumina? factus  
 Immortalis eras FASCIA pulchra Tuis,  
 Praedicat ergo Domus GEMBICICIRCVLVS iste  
 Eamam principio, sine carere Tuam.

*M*

*concepit*



*Illustrissimo ac Magnifico Domino,*  
D. LAURENTIO  
G E M B I C K I,

PALATINIDÆ LECICENSIS,

Canonico Cracou. &c. &c.

*Domino ac Benefactori munificentissimo,*

Fres Carmelitæ Discalceati Philosophiæ Stud:

Perpetuam felicitatem.



*N*atum est laureatæ Palladi,  
a magnis magnum, mutuaræ  
Nomen Heroibus, Mæcenas  
Illustrissime. An Carmelitici  
quia Parnassi Domina est? V-  
bi nostris latere non apparere,  
subijci non regere, laudis est  
musis; nec volunt scientiæ gloriari nisi sub magnis  
Illustrium Patronorum Nominibus? Ita est Fa-  
sciata voluit in Philosophicum descendere Pallas  
certamen; quia,

FA.

*sevit laudi singulariter.*

773. FASCIBVS à magnis FASCIA nomen habet.

*Hinc fortasse sapientia non sub alia tutela nisi sub gloriosissimo Vestrae FASCIAE candore non gloriari infans, sed tueri appetijt. Poterit ergo tabescos Carmeliticus delere Parnassus errores, & vulneribus pro incruenta veritate in palæstrata acie susceptis mederi, ab interituq; famam sapientiae vindicare, qui ideo fasciatus est, ut possit Tuæ ligaturis FASCIAE, & beneficijs. Tuis convictos, ad Tui*

*Nominis Triumphum, & hostes captivare.*



# ASSERTIONES

## Ex octo Libris Physicorum.

**E**NS mobile (sumpto ly mobili radicaliter) quod idem est secundum rem cum substantia & corpore naturali, est obiectum adæquatum Physices, tam secundum rem quàm secundum meliorem expressionem. Substantia vero naturalis ac corpus naturale, etsi sint Obiectum illius secundum rem, non tamen secundum meliorem expressionem.

2. PRima principia Entis naturalis vt abstrahit ab incorruptibili & corruptibili ab Aristotele definita: cadunt quæ nec fiunt ex alijs neq; ex alterutris, sed omnia fiunt ex ipsis; numeranturq; in fieri tria Materia Forma & Priuatio, & infacto esse duo Materia scilicet & Forma. Ex quibus Forma & Priuatio nō solum contraria verum etiam sunt prima contraria.

3. Materia quæ est primum ex supra enumeratis. Entis naturalis principium, definita est ab Aristotele per hoc, quod sit primum subiectum vniuscuiusq; ex quo aliquid fit cum insit; nō secundum accidens. Quæ ita est pura potentia, vt nullum afferat ex se actum tam formalem quàm Entitatum, nec existentiam partialē.

4. **V**nde prouenit omnem illius existentiam prouenire à forma substantiali, sine qua etiam per Diuinam potentiam existere non potest. Vnitas quoque illius tam numerica positiua quàm specifica ab eadem forma substantiali desumitur, licet vtramq; negatiuam ex se afferat.

*appetit  
2plex* 5. **E**adem Materia prima habet appetitum, ad formam substantialem: nō quidem elicitum, (vt pote ex pers cognitionis) sed innatum. Qui respectu formæ habitæ est complacentiæ: respectu verò formæ habendæ est desiderij. Inde q; sortitur insidiatricis nomen. quia cum sit radix omnis corruptionis, in se tamen ingenerabilis & incorruptibilis perseuerat.

6. **O**mnes formæ substantiales, exceptâ anima rationali, (quæ creatur) formis calorum & Elementorum (quæ in prima sui productione concreatæ sunt) educuntur de potentia materiæ. Quorum educi consistit in hoc quod est contineri eas in materia, & fieri ex vi actionis transmutantis ipsam. Definitio quoq; formæ substantialis quod sit actus primus corporis est bona.

7. **F**ormæ verò accidentales tam naturales quàm supernaturales educuntur de potentia subiecti, licet illæ quæ in instanti educationis cum subiecto per se neceantur non tam educi quàm coeduci dicuntur.



**I**mplicat contradictionem duas formas substantiales  
esse simul in eadem portione materiae. sicut & vnā  
formam duplicem materiam informare Priuatio, quæ  
est verum Entis naturalis principium, cōuenit cum ma-  
teria & forma in ratione principij, Analogiā proportio-  
nalitatis, non verò proportionis.

**9.** Compositum substantiale constans essentialiter &  
intrinsicè materiā & formā, non distinguitur à  
suis partibus simul sumptis & vnitis: nisi ratione ratio-  
cinata; Partes autem illius vniuntur inter se mediante  
vnione ab eis realiter modaliter distincta quæ licet for-  
maliter in se sit multiplex realiter tamen & Entitati-  
uè est vnica.

**10.** Natura definitur ab Aristotele quod sit principiū  
motus & quietis eius in quo est primò per se &  
non secundum accidens: quæ definitio competit non  
solum materiae primæ verum etiam & formæ substanti-  
ali quatenus ambit Rationalem, vt pote in ratione na-  
turæ perfectissimam. Compositum tamen Substantia-  
le non tam dicitur natura quam à Natura. Ars  
non potest efficere opera naturæ per veram efficientiā,  
sed aliqualiter tantum applicando nimirum actiua pas-  
siuis.

**11.** Causa est id ex cuius esse sequitur aliud Diuiditur  
quæ adæquatè in Materialem Formalem Efficientem



tem & Finale. Quarum effectus aliquando est perfectior aliquando verò eiusdē perfectionis cum ipsis, semper tamen est posterior: Qui <sup>tamen</sup> <sup>an</sup> ~~si~~ sumitur secundum illud esse, quod habet à causis intrinsecis distinguuntur realiter modaliter ab ipsis; Si verò secundum totū suum esse quod habet accipiatur, tunc reali Entitatiuā distinctione separatur à qualibet.

12. **C**ausa Efficiens definitur quod sit id à quo primo incipit motus diuiditur q̄; in Principalem & Instrumentalem. Principalis causa respectu productionis substantiæ non potest esse accidens sed semper est substantia, benè tamen causa instrumentalis nō solum dispositiua & materialis; Inde tamen non sequitur substantiam esse immediatè operatiuā quod implicat sed tantum radicaliter: quandoquidem neq; immediatè neq; medijs accidentibus & per actionem aliquā distinctam confortat influxum accidentiū in productione substantiæ; Neq; media actione distincta ab actione generātis producit à propria essentia dimanantes passionēs. Hæc tamen productio non est vera actio sed emanatio consistens in ordine quo exeunt passionēs depēdenter ab essentia & ab inuicem ex vi vnius & eiusdem actionis Generatiuæ. Et propterea non dicitur essentia principiū productiuiū rigorolum suarum passionum, sed lato modo &



do & deficienter. Accidens tamen respectu sibi simili accidentis potest esse causa principalis. Cuius causalitas in actu secundo sicut & cuiuslibet causæ efficiētis melius exprimitur per agere quàm per actionem.

13. **C**ausa secunda necessaria non solum in suo esse verum etiam in operari est dependens immediatè à Deo, ad quam dependentiam non sufficit concursus simultaneus, sed indispensabiliter requiritur concursus præuius; siquidem non solum à causa prima iuuatur in operando verum etiam præmouetur ad operandum: Et hoc tam ex Mente Aristotelis quàm ratione conuinci asserimus. Duæ causæ totales & eiusdem ordinis tam simul, quàm diuisim, non possunt producere vnum numero effectum, etiam per absolutam Dei potentiam.

14. **I**nstrumentum non operatur nisi in quantum est motum à principali Agente habet quæ actionem præuiam ad actionem Principalis agentis, respectu cuius comparatur non vt Instrumentale sed Principale agens. Datur Fortuna & Casus in rebus sublunariis & in orbibus Cælestibus & Angelis respectu effectuum qui contingunt in inferioribus. Fatum quoque Catholicè intellectum dari <sup>concedimus</sup> asserimus: quod quidem, si comparatur ad suum principium est vnicum, si vero ad suos effectus tunc multiplex esse asserimus.



15. **F**inis est vera causa realis & Physica Quæ definita ab Aristotele Finis est cuius gratia aliquid fit. Constituitur in ratione causæ per realem bonitatem, cuius bonitas secundum suum esse reale mouet appetitum: ad quod apprehensio non nisi vt conditio sine qua nō, requiritur. causalitas autē Metaphysica illius est actio voluntatis prout à fine.

16. **M**otus est actus Entis in potentia prout in potetia, quæ definitio non solum motus successiuos, sed etiam mutationes instantaneas, quæ sunt actus imperfecti comprehendit. Motus in Mobili tamquam in subiecto recipitur distinguiturq; à Termino realiter formaliter & secluso intellectu. Habet se per modum subiecti quo respectu Actionis & Passionis, & ideo nō est essentialiter superior ipsis, sed omnes hæ formalitates in vna Entitate saltem modali motus identificatæ formaliter inter se distinguuntur: Actio transiens ex mente Aristotelis & D. Thomæ, necnon secundum rationem subiectatur in Passio non vero in agente.

17. **I**nfinum secundum essentiam, magnitudinem, numerum, intensionem, non solum naturaliter, sed etiam per Diuinam potentiam produci repugnat; licet data quacunq; Creaturâ possibili possit Deus aliam, & aliam perfectiorem vsq; in infinitum producere. Si ta-

men

men per impossibile infinitum inueniretur tam secundum magnitudinem, quam secundum numerum, tunc licet secundum rationem formalem non inueniretur maius altero, bene tamen secundum rationem materiale.

18. **L**ocus est superficies vltima corporis continētis immobilis primi. In qua definitione superficies nō est verum genus ab immobilitate contractum, sed solū habet se per modum subiecti respectu sui accidentis. *ms* Locus naturalis vltra propriam rationem addit qualitatem conseruatiuam locati. In quo primum mobile non est actu etiam per accidentis seu ratione partium, sed solum in potentia, tñ secundum totum suum esse quàm secundum esse partium consideratum. Implicat vnum & idē corpus esse simul in duobus locis circumscriptiue, non tamen plura corpora in eodem loco.

19. **I**mpossibile est tam naturaliter quàm virtute aliquā creatā dari vacuum; licet hoc Diuine potentie non repugnat: posito tamen illo tunc motus per illud facti fiorent in tempore, non in instanti.

20. **T**erminus, quod est numerus motus secundum prius & posterius, distinguitur ab aternitate & a uo penes hoc, quod sit duratio rei mutabilis tam secū cū esse quàm secundum accidentia. Rursus distinguitur realiter à motu & quævis duratio à re duranti. Nullā habet



habet existentiam ratione partium, sed solum ratione instantis indiuisibilis existit. In ratione mensuræ est vnū numero, at secundum rationem essentialem multiplicatur ad multiplicationem motuum in quibus est eoq; omnes substantiæ corruptibiles mesurantur.

21. **A**d tria prædicamenta datur per se motus, nempe Quantitatem, Qualitatem & Vbi, ad reliqua verò non; Qui vnitatem specificam desumit à termino ad Quem & medio formaliter sumptis: Numericam verò ab vnitate Mobilis termini & temporis. Contrarietas verò Motuum formaliter desumitur à contrarietate terminorum ad quos & medij; materialiter verò & consecutiue à terminis à quibus. Vnum autem & idem Mobile non potest simul & per se moueri duobus motibus contrarijs etiam in gradibus remissis.

22. **I**n continuo dantur vera indiuisibilia tam continuatiua quàm terminatiua, non tamen ex eis continuum componitur. Sed insuper ad sui constitutionē requirit actu partes, quarum aliquotæ sunt finitæ proportionales verò sunt infinitæ non quidem actu sed in potentia. Vnde potest in eis actu signari pars prima vel vltima.

24. **D**uo communiter à Philosopho assignantur termini inceptionis & desitionis. Inceptionis sunt

Pri

Primum sui esse & ultimum non esse definitionis verò Primum non esse & ultimum sui esse. Res successiuæ & qualitates materiales in fieri incipiunt per ultimum non esse & desinunt per primum non esse. Indivisibila verò successiuorum, sicut & qualitates materiales in facto esse, incipiunt per primum sui esse & desinunt per ultimum esse. Substantiæ verò corruptibiles utroque modo incipere & desinere possunt.

24. **I**n animata non minus quam viuentia, habent ex natura sua terminos suæ magnitudinis & paruitatis, qui quatuor à Philosophis numerantur. Magnitudinis duo, nempe maximum quod sic, & minimum quod non. Paruitatis etiam alij duo, nempe minimum quod sic & maximum quod non.

25. **I**nter mouens & mobile necessario debet esse realis distinctio, unde grauiæ & leuiæ non possunt à se ipsis sed à generante per se moueri. Ad hoc autem ut causa efficiens attingat effectum, necessarius est contactus passivi non solum virtutis, sed etiam suppositi.

26. **M**undus secundum fidem de nouo incepit. Qui tamen potest cum solo Dei ordinario concursu in perpetuum à parte post durare. Potuit quoque esse ab æterno, secundum aliquam creaturam, inò se



cundum generationes, & cõrruptiones, vnica exceptâ  
propagatione Humana.

27. **E**T quia doctrina Entis Mobilis eò tendit vt per e-  
am deueniatur in cognitionem primi Motoris.  
Ideò rectè Aristoteles ex motu collegit dandum esse  
primum Motorem Immobilem vnicum simpli-  
cissimum Æternum Immenſum Infi-  
nitum ac infinite perfectum.

Cui gloria Honor ſit

in æternum

A M E N.

*Amen.*










Fig. 1.6.

Biblioteka Jagiellońska



stdr0017759



